

6. april 2014

UPA 2014/110
Karl Lyberth

Raajarniarnermi qalunut ristit atorneqartartut susassaqtartut peqatigalugit nalilersuiffiqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Tassani raajarniarnerup inuussutissarsiutaanerata pitsanngorsarnissaa piujuaannartitsinerlu ataavartumik ingerlanneqarnissaa siunertaallutik.

(Inatsisartunut ilaasortaq Saxtorph Didriksen, Siumut)

Siullermeerneqarnera:

Raajarniarnermi qalunut ristit atorneqartartut susassaqtartut peqatigalugit nalilersuiffiqqullugit Naalakkersuisut peqquneqarnissaannik Inatsisartut aalajangiiffigisassaattut Inatsisartunut ilaasortap Saxtorph Didriksen-ip Siumumeersup siunnersuutaa tamakkiumik Siumumit taperserparput.

Raajarniarluni kilisannermi qalunut ristit atorneqartarnerat piujuaannartitsiniarnermut annertuumik iluaqutaasut ilisimaneqarmat Siumumit pissusissamisoortutut isigaarput. Soorunalumi atortinnarneqartinnissaat kissaatigilluinnarlugu.

Raajarniarnermi qalunut ristit, allatulli atortorissaarutit, pissutsinut assigiinngitsunut naleqqussarlugit susassaqtartut suleqatigilluinnarlugit nutarterneqartuartaussammata siunnersuut taamatut isikkoqartillugu ingerlateqqipparput.

Naggataatigut oqaatigiinnassavarput siunnersuutip malitsigisaanik inatsisinik allanngortitsinissaq pisariaqartutut isiginnginnatsigu, uanili allannguisoqassappat allanngortinneqartussaq tassaassaaq Piujuartitsineq siunertaralugu aalisarnerup teknikkkut iluarsartuussivigineqarnera pillugu Nammersorlutik Oqartussat nalunaarutaat nr. 12, 17. november 2011-meersumi § 9 imm. 1